

इवनिंग डोगरी न्यूज़ बुलेटिन

समे .18:15 Hrs

Headlines

- संसद दा बरसांती आह्ला इजलास अजै थवां शुरू होआ। प्रधानमंत्री नरेंद्र मोदी होरें ऑपरेशन सिंदूर गी भारत दी फौजी ताकत च इक बड़ा संगे-मील करार दित्ता।
- केंद्र नै आखेआ ऐ जे जम्मू-कश्मीर च सैलसफा च बड़ा मता बाढ़ा होआ ऐ। 2024 च 2 करोड़ 35 लख सैलानी मुल्ख भरै थवां आए। विदेशी सैलानिएं दी गिनतरी पिछले बरे 65 ज्हार ही।
- समाज कल्याण मंत्री सकीना इत्तू होरें आखेआ ऐ जे ब्याह-शादिएं लेई दित्ती जाने आहली माली सहायता आहली स्कीम थवां शैक्षणिक योग्यता गी हटाया जा'रदा ऐ।
- श्री माता वैष्णो देवी आहले रस्ते ते पुंछ कस्वे दा इक स्कूल ल्हास-पस्सिएं दी चपेट च आया। इनें घटनाएं च 2 लोक मारे गे, 14 जखमी। उपराज्यपाल मनोज सिन्हा ते मुख्मन्त्री उमर अब्दुल्ला होरें इनें घटनाएं पर दुख ते बसोस प्रगट कीता ऐ।
- मौसम विभाग नै जम्मू-कश्मीर च अगले 2 दिनें दरान बरखा दी पेशनगोई कीती। ल्हास-पस्सियां ते चानचक्क हाड़ औने दी शेंका आहली थाहरें लेई यैलो ते ओरेंज अलर्ट जारी।

<><><><><><>

Monsoon-Session

संसद दा बरसांती आह्ला इजलास अजै थमां शुरू होई गेआ ऐ। लोकसभा दी कार्रवाई शुरू होने पर स्पीकर ओम बिरला होरें पहलगाम आतंकी हमले पर बसोस प्रगट कीता। एहदे मगरा उनें साबका सदस्ये गी श्रद्धांजलि अर्पित कीती ते अंतर्राष्ट्री अंतरिक्ष स्टेशन थमां सुरक्षित वापस आए दे भारती अंतरिक्ष जात्तरी शुभांशु शुक्ला होरें'गी उंदी सफल जात्तरा लेई मुबारकवाद बी दित्ती। एहदे परैन्त जि'आं गै सोआलें दा समां शुरू होआ तां बरोधी धड़ें दे

सदस्ये पहलगाम आतंकी हमले ते आपरेशन सिंदूर पर चर्चा दी मंग गी लेइयै नारेबाजी कीती जेह्दे चलदे सदन दी कार्रवाई कई बारी स्थगित करनी पेई। तोआई राज्यसभा च चेयरमैन जगदीप धनखड़ होरें 2 चुने गेदे ते 3 मनोनीत सदस्ये गी अज्ज सगंध चुकाई। मगरा राज्यसभा च बी बरोधी सदस्ये पहलगाम आतंकी हमले ते आपरेशन सिंदूर पर चर्चा दी मंग गी लेइयै डंड-रौली पाई जिस करी राज्यसभा दी कार्रवाई गी बी स्थगित करी दित्ता गेआ।

<><><><><><>

PM-Monsoon-Session

संसद दे बरसांती आहले इजलास शा पैहले मीडिया गी संबोधित करदे होई प्रधानमंत्री नरेन्द्र मोदी होरें आपरेशन सिंदूर गी भारत दी फौजी ताकत च इक बड्डा संगे-मील करार दित्ता। उ'नें आखेआ जे एहू मिशन 100 फीसद कामयाब रेहा ते एह्दे तैह्द साढे सुरक्षाबलें छड़े 22एं मिटें दे अंदर गै आतंकवादी ठिकानें गी तबाहू करियै पूरी दुनिया गी भारत दी बधदी रक्षा समर्थ कन्नै वाकफ करोआई दित्ता। संसद दे इजलास गी, जित्त दा जश्न करार दिंदे होई श्री मोदी होरें संसद सदस्ये गी गुजारिश कीती जे ओहू भारतवासिएं ते रक्षा सरबन्धी नमिएं काह्डें गी बढावा देने लेई इक सुर च अपनी अवाज बुलंद करन। प्रधानमंत्री होरें पहलगाम आतंकवादी हमले पर दुक्ख बुज्जेआ ते इस मामले गी लेइयै सब्भनें सियासी पार्टिएं आसेआ दस्सी गेदी इकजुटता दी सराहना बी कीती।

<><><><><><>

Tourism-Boom

केंद्र नै संसद च जानकारी दित्ती ऐ जे जम्मू-कश्मीर च सैलानिएं दी बड़ी मती आमद होई ऐ। ब'रे 2024 च 2 करोड़ 35 लक्ख थवां मते घरेलू सैलानिएं इत्थे आए न जेड़ा अजें तगर सबबनें थवां मता ऐ। एहू आंकड़े केंद्री सैलसफा मंत्री गजेंद्र सिंह शिखावत होरें लिखित च एहू जानकारी सांसद तेजस्वी सूर्या हुंदे आसेआ पुच्छे गेदे सोआलै दे परते च दित्ती। 2020 च 25 लक्ख 19 ज्हार सैलानी आए ते 2024 च 2 करोड़ 35 लक्ख बाहरले

मुलखें थवां औने आहले सैलानिएं दी आमद च बी बादा होआ। 2020 च 5 ज्हार 317 सैलानी आए हे ते 2024 च 65 ज्हार 452 सैलानी आए।

<><><><><><>

Marriage Assistance Scheme

समाज कल्याण मंत्री सकीना इत्तू होरें ऐलान कीता ऐ जे सरकार जम्मू-कश्मीर च कुड़ियें दे बयाह आस्तै दिती जाने आहली माली मदाद सरबन्धी योजना तैहत रक्खी गेदी घट्टोघट्ट शैक्षणिक योग्यता गी खत्म करा'रदी ऐ। मीडिया आहलें कन्नै गल्ल करदे होई मंत्री होरें सकीना इत्तू होरें आखेआ जे पैहले दे नियम कनून मूजब कुड़ियें गी इस स्कीम दा लाहू ठोआने आस्तै घट्टोघट्ट 8मीं पास करना अत्त लाजमी हा जेडा सेही नेई हा ते मती सारी कुड़ियां इस वजह कन्नै इस योजना दा लाहू नेई ठोआई सकदियां हिआं। उनें अगगे आखेआ जे सरकार नै माली तौरा पर कमजोर लोकें दी दिक्कतें ते परेशानियें गी ध्यानै च रखदे होई गै एहू फैसला लैता ऐ। उनें आखेआ।

<><><><><><>

Earthquake

किश्तवाड़ जिले च जंदी रातीं भूंचाल दे झटके मैहसूस कीते गे। आकाशवाणी दे जम्मू संवाददाता दी रिपोर्ट मूजब, जंदी रातीं 1 बज्जियै 36एं मिंटें पर किश्तवाड़ च 3 इशारिया 1 दी तीव्रता दा भूंचाल आया जेहदा केन्द्र किश्तवाड़ दे नेडे धरतै दे कोई 10 किलोमीटर अंदर हा। उ'आं इस भूंचाल करी जान-माल दे नुक्सान दी कोई खबर नेई ऐ।

<><><><><><>

Search-Op. Kishtwar

सुरक्षाबलें किश्तवाड़ जिले दे घने जंगली इलाके च छप्पे दे आतंकवादियें दे इक समूह दी धरपकड़ आस्तै तपाशी अभियान अज्ज परतियै शुरू कीता। जि'आं जे पैहले बी खबर दिती गेदी ऐ जे कल संज्ञा डच्चन ते नागसेनी बश्कार दे इलाकें च आतंकवादियें दी नक्लोहरकत बारै सूह थोने परैंत पुलस ते फौज नै इलाके गी घेरियै तुपाई अभियान

शुरू कीता जिस दरान जंगलै च छप्पे दे आतंकवादियें गोलियां चलाईयां जेदा सुरक्षाबलें बी परता दिता ते दो तरफा गोलीबारी किश गै चिरें तोड़ी जारी रेही। मन्नेआ जा'रदा ऐ जे एह आतंकवादी गुट हिज्बुल मुजाहिदीन कन्नै जुड़े दे न जेदे च 2 आतंकी ऐसे बी ऐन जिंदे पर 30-30 लक्ख रपे दा ईनाम ऐ। एह तुपाई अभियान कल चिरें राती न्हरे कारण रोकना पेआ, पर अज्ज बडुलै सवेलै गै सुरक्षाबलें ड्रोनें ते खोजी कुत्तें दा इस्तेमाल करदे होई तपाशी अभियान फी रम्भेआ तां जे तौले गै इनें आतंकवादियें गी फगड़ेआ जाई सकै।

<><><><><><>

Landslide-Katra Poonch

श्री माता वैष्णो देवी आहले रस्ते पर होई दी लगातार बरखा करी ल्हास-पस्सियां पौने दी घटना पेश आई। इस घटना करी 9 श्रद्धालु घायल होए न। सारे घायलें गी इलाज आस्तै नारायणा अस्पताल कटड़ा च लैता गेआ ऐ। इस घटना च घायल इक व्यक्ति दी मौत होई गई। इस घटना मगरा जात्तरा पराने रस्ते राएं अजें बंद ऐ पर ताराकोट आहले रस्ते राएं जारी ऐ। मलबे गी रस्ते थवां हटाने दा कम्म जारी ऐ।

तोआई, पुंछ जिले दी हवेली तहसील च इक प्राइमरी स्कूल ल्हास-पस्सिएं दी चपेट च आई गेआ जेदे चलदे इक विद्यार्थी दी मौत होई गई ते इक अध्यापक ते 4 होर बच्चे जखमी होई गए। घायल बच्चें गी फौरी तौरा पर इलाज लेई राजा सुखदेव सिंह जिला अस्पताल लैता गेआ। होर जानकारी दिंदे होई जिला अस्पताल पुंछ दे इंचार्ज मेडिकल सुप्रीटेंड अशफाक अहमद कोहली होरें आखेआ।

उपराज्यपाल मनोज सिन्हा ते मुख्मन्त्री उमर अब्दुल्ला होरें इनें घटनाएं च 2 कीमत जानें दे नुकसान पर दुख ते बसोस जाहिर कीता ऐ।

<><><><><><>

Bhal Padri Festival

सैलसफा गी बढावा देने दे मकसद कन्नै डोडा जिले दे भाल-पदरी इलाके च कल आयोजित कीते गेदे 'भाल-पदरी जंगलात ते सैलसफा उत्सव' च खरी मती गिनतरी च लोकें हिस्सा लैता। जिला इंतजामिया ते सैलसफा मैहकमे दी सांझ-भ्याली कन्नै आयोजित कीते गेदे इस उत्सव नै भलेसा दी कुदरती खूबसूरती ते उत्थुं दी सगोसार

सांस्कृतिक विरासत गी बड़े बधिया ढंगै'नै प्रदर्शित कीता। उत्सव च हिस्सा लैने आहले लोकें कल पारंपरिक संगीत, लोक नाच ते रोमांच आहिलें गतिविधिएं दा नंद लैने दे कन्नो-कन्नी रूक्ख-बूहटे लाने सरबंधी इक कार्यक्रमै च बी हिस्सा लैता। कार्यक्रम दा समापन इक बड़े बधिया मुशायरे कन्नै होआ। इस उत्सव दा मकसद खित्ते च सैलसफा गी बढ़ावा देने ते इस सरबंधी गतिविधिएं च लोकें दी भागीदारी जकीनी बनाना हा।

<><><><><><>

Weather

ते हून खबर मौसम दे बारै च। जम्मू-कश्मीर च मौसम दे सूरते-हाल च अज्जै थमां फही बदलाव दिक्खने गी लब्बा। मौसम विभाग नै अगले दऊं दिनें दरान खित्ते च बरखा दी मेद दस्सी ऐ। मौसम विभाग नै खित्ते लेई बरखा सरबंधी येलो ते ऑरेंज अलर्ट जारी कीते न। इस सरबंधै च पेश ऐ स्टाडी एहू खास रिपोर्ट।

<><><><><><>